

Visoki predstavnik Inzko u Briselu radi susreta sa visokim zvaničnicima EU



Visoki predstavnik, Valentin Inzko, od ponedjeljka do srijede boravi u Briselu, gdje će se obratiti Komitetu za vanjske poslove Evropskog parlamenta te razmijeniti mišljenja sa članovima komiteta. Visoki predstavnik će također prisustvovati trećem sastanku “Prijatelja Bosne i Hercegovine”, te će se sastati sa predstavnicima Političkog i sigurnosnog komiteta EU, kao i drugim zvaničnicima EU.

Na ovim sastancima, visoki predstavnik će informirati zvaničnike EU o trenutnoj političkoj situaciji u Bosni i Hercegovini. Naglasit će svoju čvrstu podršku procesu integracije BiH u EU, kao i reformama koje su potrebne za prosperitet i stabilnost u BiH. Također, upozorit će na mogućnost intenziviranja negativnih trendova u narednim mjesecima, imajući u vidu da je 2018. izborna godina.

Za vrijeme boravka u Briselu, visoki predstavnik će se također sastati sa šeficom bh. misije pri EU, ambasadoricom Lidijom Topić, kao i ambasadorom BiH u Belgiji i Luksemburgu, Draškom Aćimovićem.